

Pravna služba

JU "STUDENSKI CENTAR"
SARAJEVO
- Upravni odbor -
Broj : 01-1877/10
Sarajevo, 22.12.2010.

Na osnovu ovlaštenja iz člana 37. Pravila JU "Studentski centar" Sarajevo, Upravni odbor JU „Studentski centar“ Sarajevo je na sjednici održanoj dana 20.12.2010. godine, donio :

ODLUKU
o utvrđivanju konačnog teksta Pravilnika o čuvanju i upotrebi pečata
JU „Studentski centar“ Sarajevo

Član 1.

Utvrđuje se konačan tekst Pravilnika o čuvanju i upotrebi pečata JU „Studentski centar“ Sarajevo.


Konačan tekst Pravilnika iz stava jedan ovog člana sastavni je dio ove Odluke.

Član 2.

Odluka stupa na snagu danom donošenja.

Dostavljeno :

1. Članovi U.O.
2. Služba računovodstva
3. Služba pravnih, kadr. i općih poslova
4. Služba za kom. poslove
5. Mat. U.O.
6. a/a




Predsjednik Upravnog odbora

Elvir Resić
mr. Elvir Resić

[Handwritten signature]

[Handwritten signature]



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU "STUDENSKI CENTAR"
SARAJEVO

PRAVILNIK
O ČUVANJU I UPOTREBI PEČATA

Sarajevo, decembar 2010.

F BiH, 71.000 Sarajevo, Podgaj 6, Tel. : 205 – 231 Tel./fax : 226-360
e- mail: justudsarajevo@yahoo.com; web: [http/ /www.student-centar.ba](http://www.student-centar.ba)
Raiffeisen Bank d.d. Bosna i Hercegovina TRN : 1610000004420010 ; SWIFT RZBABA 2S
Indentifikacijski broj : 4200458760008 Kantonalni sud u Sarajevu UF/I -5167/00

Na osnovu člana 27. Zakona o ustanovama („Sl. list R BiH“, broj : 6/92, 8/93, i 13/94), člana 14. Pravila JU „Studentski centar“ Sarajevo, Zakona o pečatu Kantona Sarajevo („Sl. novine Kantona Sarajevo“, broj: 9/99), Upravni odbor JU „Studentski centar“ Sarajevo na sjednici održanoj 20.12.2010. godine, donio je :

P R A V I L N I K O ČUVANJU I UPOTREBI PEČATA

I. -OPŠTE ODREDBE

Član 1.

Ovim Pravilnikom utvrđuje se pravo na pečat JU Studentski centar Sarajevo (u daljem tekstu: Centar), oblik i sadržaj pečata, izrada pečata, čuvanje i upotreba pečata, kao i druga pitanja od značaja za ovu oblast.

Član 2.

Pravo na pečat Centra utvrđeno je Zakonom o pečatu Kantona Sarajevo i Pravilima JU „Studentski centar“ Sarajevo .

Član 3.

Pečatom se potvrđuje autentičnost službenog akta Centra.

II. – OBLIK I SADRŽAJ PEČATA

Član 4.

Pečat Centra ima oblik kruga prečnika 50 mm sa natpisom u prvom koncentričnom krugu “Bosna i Hercegovina - Federacija Bosne i Hercegovine”, u drugom koncentričnom krugu natpis “Kanton Sarajevo”, a u trećem koncentričnom krugu natpis “Studentski centar Sarajevo”.

Upotrebu pečata odobrava Ministarstvo pravde i uprave Kantona Sarajevo.

Član 5.

Služba računovodstva i poslovne jedinice koriste okrugli pečat prečnika 30 mm sa natpisom u kružnom dijelu “Studentski centar Sarajevo”, a u sredini natpis Služba ili poslovna jedinica i broj pod kojim ta služba navedena u članu 34. Pravila Centra.

III. – IZRADA PEČATA

Član 6.

Pečati iz čl. 4. i 5. ovog Pravilnika izrađuju se u pečatoreznici koju ovlasti nadležno Ministarstvo pravde i uprave Kantona Sarajevo.

Član 7.

Nadzor nad radom pečatoreznice ovlaštene za izradu pečata, u pogledu izrade pečata vrši Ministarstvo pravde i uprave Kantona Sarajevo.

Član 8.

Izradu pečata rješenjem odobrava Ministarstvo pravde i uprave Kantona Sarajevo.

Član 9.

Primjerak rješenja o odobravanju izrade pečata Ministarstvo pravde i uprave Kantona Sarajevo dostavlja Ministarstvu unutrašnjih poslova Kantona Sarajevo.

IV.- ČUVANJE I UPOTREBA PEČATA

Član 10.

Pečatom rukuje i upotrebljava ga direktor Studentskog centra Sarajevo, odnosno lice koje on ovlasti.

Član 11.

Pečati Studentskog centra registruju se u poslovnoj knjizi koju vodi odgovarajuća služba Centra a koje na upotrebu izdaje direktor ovlaštenim uposlenicima Centra posebnim rješenjem.

Rješenje treba da sadrži ime i prezime ovlaštenog lica, poslovi i zadaci koje obavlja i u kojoj poslovnoj jedinici, odnosno službi, oblik i broj pečata za koji je zadužen.

Ovlaštena lica iz prethodnog stava preuzimaju i odgovornost za zakonito postupanje u vezi sa čuvanjem i korištenjem pečata.

Pečati se čuvaju i koriste u skladu sa odredbama Zakona o pečatima Kantona Sarajevo („Sl. novine Kantona Sarajevo“, broj : 9/99 od 11. maja 1999. godine)

Član 12.

Studentski centar ima štambilj pravougaonog oblika, dimenzija 6 x 2 cm, sa natpisom “Kanton Sarajevo JU Studentski centar Sarajevo” i sa označenim prostorom za upisivanje broja i datuma prijema i otpreme službenog akta.

Štambilj Centra koristi protokol Centra, odnosno ovlašteno lice, raspoređeno na radno mjesto protokola Centra.

Član 13.

Pečat se stavlja sa lijeve strane pored potpisa lica ovlaštenog za potpisivanje službenih akata.

Član 14.

Pečati se moraju čuvati i upotrebljavati tako da se onemogući njihova zloupotreba. O načinu čuvanja i upotrebe pečata odlučuje direktor Centra.

Član 15.

Pečat koji je, zbog istrošenosti ili drugih razloga, postao neupotrebljiv, mora se odmah uništiti, o čemu se stara direktor Centra ili službeno lice ovlašteno za čuvanje i upotrebu pečata.

Pečat se smatra neupotrebljivim zbog istrošenosti, ako se iz njegovog otiska jasno ne vidi tekst koji daje otisak pečata.

Uništavanje neupotrebljivih pečata vrši Ministarstvo pravde i uprave Kantona Sarajevo.

Član 16.

Direktor Studentskog centra Sarajevo ili službeno lice ovlašćeno za čuvanje i upotrebu pečata dužni su odmah prijaviti nestanak pečata Ministarstvu unutrašnjih poslova Kantona Sarajevo i oglasiti u „Službenim novinama Kantona Sarajevo“.

Nestali pečat smatra se nevažećim od dana oglašavanja u „Službenim novinama Kantona Sarajevo“, a u slučaju kasnijeg pronalaženja nevažeći pečat će se uništiti.

Novi pečat koji se izrađuje umjesto nestalog pečata mora biti posebno označen.

V.- KAZNENE ODREDBE

Član 17.

Na uposlenike Centra primjenjivat će se kaznene odredbe utvrđene u Zakonu o pečatu Kantona Sarajevo.

VI.- PRELAZNE I ZAVRŠNE ODREDBE


Član 18.

Na postupanje Studentskog centra Sarajevo u vezi sa pečatima, primjenjivat će se i Uputstvo o radu pečatoreznice, načinu vođenja evidencije pečata i evidencije o izrađenim pečatima, uništavanju pečata i evidenciji o pečatima i označavanju novih pečata („Službene novine F BiH“, broj : 16/96).

Član 19.

Ovaj Pravilnik stupa na snagu osmog dana od dana donošenja.

Sarajevo, 22.12.2010.
Broj : 01-1877/10



Predsjednik Upravnog odbora

mr. Elvir Resić